

Մ աշտոցի Արձագանգ

Հայաստանեայց Եկեղեցւոյ Սուրբ Յակոբ Կիրակնօրեայ Դպրոցի ամսաթերթ
 WWW.SOURPHAGOP.ORG (13-րդ տարի)

Այս թիւով.....

Կիրակնօրեայ Դպրոցի Ամանորի եւ
 Սուրբ Ծննդեան Հանդէս Էջ 1,19,20

Սրբութեան Ընթրնումը Եկեղեցւոյ
 Կեանքին մէջ Էջ 2

Յունուար Ամսուան Բացատրական
 Տօնացոյց Էջ 4-8

Ճրագալոյց Ս. Ծննդեան
 Ջրօրհնէք

Աստուածայայտնութիւն
 Խթում

Տաղ Սուրբ Ծննդեան
 Յովհաննու Կարապետ

Աստուածայայտնութիւն
 Յովսէփի Մարգարէին

յիշատակութեան օր
 Սուրբ Սարգիս Զօրավար

Խորհուրդ Մեծ

Խաչքարեր՝ Ժ, Բ, Էջ 9,10
Յիսուսի Ծնունդը Էջ 11

Պահուած Բառ Էջ 12

Ինչպէ՞ս Ընտրել Էջ 13

Առաջաւորաց Պահք Էջ 14

Եզակի Գիրեր Էջ 14

Ո՞րն է Ճիշդ Պատասխանը Էջ 15-18

Յունուար 2013 (Ի տարի թիւ 5)

Կիրակնօրեայ Դպրոցի Ամանորի եւ
 Սուրբ Ծննդեան Հանդէս



Ս. Յակոբ Առաջնորդանիստ Մայր Եկեղեցւոյ
 Կիրակնօրեայ Դպրոցի Ամանորի եւ Սուրբ
 Ծննդեան յայտագիրը տեղի ունեցաւ Կիրակի,
 30 Դեկտեմբերի 2012-ի յետմիջօրէին, Ս. Յակոբ
 Վարժարանի Բաստրմաճեան սրահին մէջ
 ի ներկայութեան հայ հոգեւոր արժէքներուն
 գիտակից ծնողներու եւ բարեկամներու:

Աշակերտներ եւ ժողովուրդ յոտնկայս երգեցին
 Տէրունական աղօթքը: Ապա աշակերտները
 դարձեալ յոտնկայս աղօթեցին Ներսէս Ընտրիալիի
 «Իմաստութիւն Հօր, Հօր, Յիսուս»ը (շար. էջ 19)

Քրիստոս Ծնաւ եւ Յայտնեցաւ

Օրհնեալ է Յայտնութիւնն Քրիստոսի

Ամսուան Համարը

«Եւ Բանը մարդ եղաւ եւ մեր մէջ բնակեցաւ, եւ մենք տեսանք անոր փառքը. փառքը
 Միաձինին, որ Հօրմէն եկաւ շնորհքով եւ ճշմարտութեամբ լեցուն»: *Յովհաննէս 1.14*

Հաւատք

Կրօն

Եկեղեցի

Լեզու

Մշակոյթ

Փոխան խմբագրականի

Այս թիով կը շարունակենք Սրբութեան մասին դասախօսական շարքը որ սկսանք Նոյեմբեր 2012-ի թիով:

ՍՐԲՈՒԹԵԱՆ ԸՍԲՈՆՈՒՄԸ ԵԿԵՂԵՑԻՈՅ ԿԵԱՆՔԻՆ ՄԷՁ

(ԱՐՏԱԻԱԶԴ ԱՐՔԵՊՍ. ԹՐԹՈՒԵԱՆ, Ուրբաթ, 11 Մայիս, 1984, Անթիլիաս.)

Առաքելական շրջանին եւ Բ. դարուն, բոլոր Քրիստոնեաները անխտիր սուրբ բառով կը բնորոշուէին, որովհետեւ Քրիստոսի անունով մկրտուած եւ Անոր հետեւորդ ըլլալով՝ կը գատորոշուէին ուրիշներէ, իրենք զիրենք կը նկատէին նոր ցեղ մը, ճշմարիտ «Իսրայէլը», Եկեղեցին, երկնքի քաղաքացիներ:

Քրիստոնեան երկրի վրայ կ'ապրէր, բայց երկինքին կը պատկանէր. իսկ այս պատկանելութիւնը պայմանաւոր էր Քրիստոսի հաւատքով եւ անոր հանդէպ բացարձակ հաւատարմութեամբ: Ատոր համար էր որ ոեւէ հալածանք կամ տանջանք արժէք չ'ունէր իրենց համար: Ժամանակաւոր եւ վաղանցուկ էին անոնք, կեանքին պէս: Ահա թէ ինչու առաջին դարերու բոլոր քրիստոնեաներ, ապշեցուցիչ քաջութեամբ եւ միշտ ուրախութեամբ ու սաղմոսներով, դիմաւորեցին մահը, նահատակութիւնը, զայն նկատելով երկնային յաւիտենական կեանքին կամուրջը:

Առաջին դարէն իսկ, Հայոց աշխարհին մէջ եղան Քրիստոնէութեան դարձող եւ Քրիստոսի սիրոյն բազմահազար նահատակուողներ՝ ամէն դասակարգէ, սկսեալ արքայական տունէն ու ազնուականութենէն:

Արդ, նահատակութիւն կը նշանակէ զոհագործում Աստուծոյ. սեփական արիւնով լուացուիլ եւ սրբուիլ մեղքի ամէն աղտ: Քրիստոսի անունին եւ հաւատքին համար այդ զերագոյն զոհաբերութեամբ քրիստոնեան մեղքէն կը սրբուի ու կը սրբանայ, ժառանգորդ դառնալով յաւիտենական կեանքին եւ քաղաքացի Աստուծոյ թագաւորութեան: Այս հասկացողութեամբ՝ ամէն նահատակ սուրբ էր նորակազմ եկեղեցիին համար, եւ բարեխօս ապրողներուն համար:

Առաջին դարերուն, եկեղեցույ կեանքին մէջ, նահատակութեան զուգահեռ, կը գտնենք խոստովանութիւնը: Խոստովանիլ կը նշանակէ՝ հրապարակաւ դաւանիլ, համարձակօրէն ընդունիլ թէ Յիսուս Քրիստոս է, որդի Աստուծոյ, մարդոց փրկութեան համար մարդացած, խաչուած, թաղուած եւ յարութիւն առած եւ երկինք համբարձած, եւ այս հաւատքին հաւատարմութեան համար, սիրով կրել ամէն նախատինք, բանտ, տանջանք եւ անդամահատութիւն: Այսպէս, յաճախ նահատակը նաեւ խոստովանող է, սակայն խոստովանողը միշտ նահատակ չէ: Քրիստոնէական ըմբռնողութեամբ՝ խոստովանողը իր կրած նախատինքներու եւ չարչարանքներու քուրային մէջ կը մաքրուէր մարդկային իր բոլոր մեղքերէն, կը սրբուէր ու կը բիրեղանար՝ հնոցի քուրային մէջ բիրեղացող մետաղին պէս: Հետեւաբար, ան այլեւս սուրբ էր: Աւելին՝ իբրեւ այդպիսին՝ կրնար մեղաւորներուն թողութիւն տալ՝ նոյնիսկ առանց ձեռնադրութեամբ իշխանութիւն ստացած ըլլալու:

Մեր ժողովուրդի կեանքին մէջ, խոստովանողի լուագոյն տիպարն է Սուրբ Գրիգոր Լուսաւորիչ: Ուրիշ յայտնի տիպար մըն է Բզնունեանց Աբրահամ Եպիսկոպոսը, մեր պատմութեան մէջ ծանօթ «Աբրահամ Խոստովանող» կոչումով, որ Վարդանանց պատերազմէն ետք, Պարսկաստան տարուած Ղեւոնդեանց քահանայից խումբէն էր, բայց իրեն զլացուեցաւ նահատակութիւնը: Երրորդ յայտնի տիպար մըն է Բագրատունի Սմբատ սպարապետը, որ 855-ին, Բուղա Ոստիկանին կողմէ գերի տարուելով Պաղատ

դառն տանջանքներով ուրացութեան բռնադատուեցաւ, եւ երեք տարի ետք բանտին մէջ, խոստովանողական մահուամբ կնքեց իր կեանքը, պատմութենէն որպէս մականուն ժառանգելով «Սմբատ Խոստովանող» կոչումը:

Քրիստոնէաներու բազմացումով, Գ. դարու սկիզբէն, եկեղեցին այլեւս սկսաւ ինքզինք ըմբռնել ո՛չ թէ իբրեւ փրկուածներու՝ այսինքն «սուրբերու հասարակութիւն», այլ իբրեւ փրկութեան միջոց: Քրիստոնէայ կոչումը կը դադրի սուրբ բառին հոմանիշ ըլլալէ, եւ Քրիստոնիան կ'ըմբռնուի ոչ իբրեւ սուրբ, այլ սրբութեան կոչուած: Ասիկա անկէ՛ որ հետզհետէ աշխարհիկ ոգին թափանցեց եկեղեցւոյ մէջ եւ բարեպաշտական ջերմեռանդութիւնը սկսաւ նուազիլ: Միւս կողմէ սկսաւ նոր շարժում մը՝ ճգնութիւնը կամ ճգնակեցութիւնը՝ որ հոսանքի դէմ պիտի փորձէր երթալ՝ հրաժարելով աշխարհէն, ընկերութենէն, նիւթական բարիքներու վայելքէն, եւ Աստուծոյ շնորհքին մէջ ապրիլ առանձնութեան մէջ, սեփական մտածումներն ու զգացումները ներդաշնակել աղօթական կեանքի մը մէջ եւ ինքզինք սրբելով՝ Աստուծոյ տաճար դարձնել: Ուստի հալածանքի ալիքներէն ետք, խաղաղութեան եւ բարօրութեան շրջաններուն, ճգնութիւնը դարձաւ ճշմարիտ քրիստոնէայի տիպարը, եւ ճգնաւորը դարձաւ սուրբը, թէպէտ ոչ նահատակին համարժէք:

Ժամանակի ընթացքին ճգնակեցութիւնն ալ եղաշրջուեցաւ եւ փոխարկուեցաւ վանական դրութեան: Վանքերը բազմացան Արեւելքի թէ Արեւմուտքի մէջ, Դ. դարէն մինչեւ ԺԳ. դար: Վանական-ճգնական կեանքը համարուեցաւ քրիստոնէական իտեալը, որովհետեւ պարզութեան եւ աղքատութեան մէջ շնորհքի կեանքն էր անիկա. ուստի, սրբութեան կեանքի մը տենչը ունեցող հոգիները վանք ուղղուեցան: Վանականները ճանչցուեցան որպէս սրբակեաց, թէպէտ ո՛չ անպայման սուրբ, որովհետեւ ինչպէս եկեղեցիին մէջ, վանքերուն մէջ եւս, լաւն ու վատը միատեղ կը գտնուէին: Սրբակեաց վանականներէն ալ ոմանք, անցան եկեղեցւոյ տօնելի սուրբերու ցանկը, ինչպէս մեր մէջ Գրիգոր Նարեկացիին Ժ. դար, Յովսէփ Ռոտունեցիին ԺԴ. դար, Գրիգոր Տաթեւացիին ԺԴ. – ԺԵ. դար:

Սակայն սրբակեացներն ու սուրբերը, միայն վանքերու մէջ չէին, այլ նաեւ ժողովուրդի ծառայութեան մէջ, ուր իրենց սրբաբոյր անձով ու կեանքով՝ խօսքով ու գործով եւ հոգե-իմացական ստեղծագործութեամբ, շուտով սրբութեան լուսապսակը առին, ինչպէս՝ Յովսէփ Օձնեցի Կաթողիկոս ԺԲ. դար, եւ նուազ ծանօթ Մովսէս Տաթեւացի ԺԵ. դար: Եւ տակաւին ո՛րքան անծանօթ սուրբեր ունինք, հոգեւորական թէ աշխարհական, որոնց համար ո՛չ տօն ունինք եւ ոչ տօնական յիշատակութիւն:

Ներկայ դարուն մէջ, սրբութեան ըմբռնումը բառին շատ նեղ իմաստով ըմբռնուեալ է. այսինքն՝ Ժնալ սրբակեցութեան վիճակին մէջ շարունակական կերպով, ուր մտածում եւ զգացում, խօսք եւ գործք, կենցաղ եւ վերաբերում ներդաշնակուած ըլլան Աստուծոյ հաճելի եւ մարդոց գովելի կեանքի ձեւի մը մէջ, ամբողջութեամբ հեռու մեղքէն եւ նման կեանք մը ի սպաս դնել այլոց օգտակարութեան ու բարիքին:

Դժուար է, յիշուի, սրբութեան այսպիսի կեանք մը ապրիլ, մանաւանդ այս դարուն: Դժուար է, բայց ո՛չ անկարելի: Ամէն դար ունեցաւ սրբութեան համար իրեն յատուկ դժուարութիւնները: Ո՛չ մէկ դարու մէջ պակսեցան հրապուրիչ երեւոյթները, բայց նաեւ ամէն դար ունեցաւ իր վաւերական սուրբերը յայտնի թէ անյայտ: (շար. էջ 4)

Յունուար ամսուան բացատրական տօնացոյց

Գշ. 1	Ամանոր
Շբթ. 5	Ճրագալոյց Ս. Ծննդեան եւ Աստուածայայտնութեան
Կիր. 6	Տօն Ս. Ծննդեան եւ Աստուածայայտնութեան մեր Տիրոջ Յիսուսի Քրիստոսի
Բշ. 7	Յիշատակ Մեռելոց
Կիր. 13	Տօն Անուանակոչութեան մեր Տիրոջ Յիսուսի Քրիստոսի
Բշ. 14	Տօն Ծննդեան Ս. Յովհաննու Կարապետին
Կիր. 20	Բարեկենդան Առաջաւորաց Պահփին
Բշ. 21	Առաջաւորաց Պահփ
Ուր. 25	Յովսէփի Մարգարէի յիշատակութեան օր
Շբթ. 26	Ս. Սարգիս Զօրավար
Բշ. 28	Ս. Ատոմեանց Յիշատակութեան օր
Գշ. 29	Ս. Սուրբասեանց Վկաներու յիշատակութեան օր

Ճրագալոյց Ս. Ծննդեան կը կոչուի Աստուածայայտնութեան նախորդող երեկոյեան արարողութիւնը: Ճրագալոյցը բարդ բառ մըն է, «ճրագ լուցանել (վառել)», որովհետեւ եկեղեցոյ մէջ երեկոյեան բազմաթիւ լապտերներ ու կանթեղներ կը վառին եւ պատարագ կը մատուցուի, որուն ընթացքին բոլոր հաւատացեալները վառող մոմեր կը բռնեն:

Ճրագալոյցի լապտերներու եւ մոմերու լոյսը կը խորհրդանշէ այն հոգեւոր լոյսի ճառագայթումը մեր մէջ, որ մեզի պարգեւեց Փրկիչը իր տնօրինութիւններով:

Զրօրհներբի արարողութիւնը հաստատուած է ի յիշատակ Քրիստոսի մկրտութեան: Այն կը կատարուի Աստուածայայտնութեան տօնին: Հին ժամանակ ջրօրհներբը կը կատարուէր գետերու կամ լիճերու ափին, այժմ՝ եկեղեցոյ մէջ: Պատարագի աւարտին քահանան յատուկ ընթերցումներով, քարոզէն եւ աղօթքէն յետոյ խաչով կ'օրհնէ մեծ տակառի մէջ լեցուած ջուրը, Ս. Միռոն կաթեցնելէ ետք անոր մէջ, որ կը բաժնուի հաւատացեալներուն՝ իբրեւ սրբութեան խորհրդանիշ եւ բժշկութեան միջոց:

(Սրբութեան Ըմբռնումը Եկեղեցոյ Կեանքին Մէջ, շար. էջ 3-էն)

Այսօր եւս, քիչ չէ թիւը անոնց, որոնք կատարելապէս շնորհքի, սրբութեանկեանք մը կ'ապրին՝ ըստ ամենայնի Աստուծոյ հաճելի: Ասիկա ըսել չէ թէ, անոնք երբեք չեն մեղանչած. այլ, թէ իրենց կեանքի որոշ մէկ հանգրուանին՝ ինքնագիտակցութեան զօրաւոր անդրադարձումով մը դէպի Աստուած դառնալէն ետք, իրենք զիրենք Աստուծոյ շնորհքին մէջ կը զգան, Աստուծոյ ներկայութիւնը շարունակաբար իրենց մէջ կը զգան ու կ'ապրին: Այնքան որ այլեւս իրենց մտածումն ու զգացումը, խօսքն ու գործը կատարելապէս Աստուծոյ կամքին եւ աստուածային պատուիրաններուն համաձայն, կ'ընթանան մինչեւ վախճան, աղօթքը կը դառնայ ուղի եւ զսպանակ իրենց կեանքին, որ զիրենք կը մղէ ազնուացնող ու վեհացնող արարքներու եւ իրագործութեան, ինքնամոռաց նուիրումի եւ անհաւատալի անձնագոհութեան:

Եւ այս է մարդկային կեանքը, հոգեպէս եւ բարոյապէս լեցնող եւ հարստացնող նպաստը մարդուն: Ու այսպիսի կեանք մը ապրողներն են վաւերական, գերազոյն հերոսները մարդկութեան, որոնց ճակտին լուսապսակը պիտի յաւետ շողայ եւ դափնին անթառամ Բնայ:

ԽԹՈՒՄ

Յովհաննու Կարապետ

«Խթում» անուան տակ ծանօթ են Սուրբ Ծնունդը նախորդող երեկոյեան ընթացքին կատարուող նախատօնական եկեղեցական եւ ժողովրդական արարողութիւնները:

Այդ երեկոյ եկեղեցիէն ներս կանթեղներ կը վարուին եւ ճրագը կը բաժնուի ժողովուրդին՝ անոնց մոմերը վառելով ու այդպէս վառած մոմերը տուն տանելով: Ճրագ վառելու այս սովորութեան հետեւորդութեամբ, Խթումի երեկոյեան տրուած է նաեւ ճրագալոյց անունը:

Անցեալին Հայաստանեայց Եկեղեցւոյ բոլոր մեծ տօներուն իբր նախատօնակ ճրագալոյց կը կատարուէր, իսկ ներկայիս միայն Սուրբ Ծնունդի եւ Զատկուայ տօները նախորդող երեկոներուն:

Ճրագալոյցի ժողովրդական սովորութիւններէն են մէկը միւսին Քրիստոսի ծննդեան աւետիս տալը, ապա աւանդական ընթրիքի շուրջ հաւաքուիլը, ճաշակելու համար ձուկ, բանջար, հաւկիթ եւ գինի:

Կարապետ կը նշանակէ «ճամբայ բացող»: Յովհաննէս Կարապետը, Յիսուս Քրիստոսի գալուստը վկայած մարգարէներէն վերջինն է որ նաեւ մկրտեց զԱյն այնուհետեւ կոչուելով «Յովհաննէս Մկրտիչ»: Ան մեծ համբաւ ունէր իր ապաշխարհութեան քարոզչութեամբ եւ իրեն հետեւորդներու մկրտութեամբ: Իր հանդէպ յարգանքը այնքան մեծ եղած է որ իր հետեւորդները հարց կու տային թէ արդեօք ի՞նքն էր Քրիստոսը: Յիսուս Յովհաննէսի մասին ըսաւ թէ աւելի մեծ մարդ գոյութիւն չունէր, սակայն Երկնքի մէջ, վերջինն իսկ իրմէ աւելի մեծ պիտի ըլլար:

Հայաստանեայց առաքելական եկեղեցին Յովհաննու Կարապետի յիշատակը կը նշէ չորս առիթներով, որոնցմէ ծննդեան տօնը այս տարի Շաբաթ Յունուար 14-ին է:

Տաղ Սուրբ Ծննդեան

Այսօր տօն է սուրբ ծննդեան, աւետի՛ս,
Տեառն մերոյ եւ յայտնութեան, աւետի՛ս:
Այսօր Արեւն արդարութեան, աւետի՛ս.
Երեւեցաւ ի մէջ մարդկան, աւետի՛ս:

Քրիստոս ծնաւ եւ յայտնեցաւ:

Այսօր սուրբ կոյսն անապական, աւետի՛ս.
Ծնաւ երբէր զանմահ Արքայն, աւետի՛ս:
Այսօր հրեշտակք յերկնից իջեալ, աւետի՛ս.
Ընդ մեզ օրհնեն զանմահ Արքայն, աւետի՛ս:

Քրիստոս ծնաւ եւ յայտնեցաւ:



Հովիւներուն Երկրպագութիւնը

Գիտէի՞ր թէ...
Յիսուս երեսուն (30) տարեկան էր երբ մկրտուեցաւ:
Յիսուս ութ (8) օրուայ էր երբ անուանակոչուեցաւ, եւ մենք այս կը տօնենք Յունուար 13-ին:

Աստուածայայտնութիւն (Սուրբ Ծնունդ եւ Մկրտութիւն)

Մեր Տիրոջ Յիսուս Քրիստոսի տնօրինութիւնները, որոնցմով Ան յայտնուեցաւ աշխարհին (Գաբրիէլ հրեշտակապետի աւետումը, Յիսուս Մանուկին ծնունդը, ութնօրեայ թլփատութիւնը, հովիւներու եւ մոզերու երկրպագութիւնը, քառասնօրեայ ընծայումը, ինչպէս նաեւ Յորդանան գետին մէջ մկրտուիլը) առաջին դարերուն կը տօնուէին միեւնոյն, Աստուածայայտնութիւն կոչուող, մեծ տօնախմբական շրջանին:

Հետագային այս տօնի գրեթէ բոլոր յիշատակները առանձնացան՝ տարուայ մէջ բաժնուելով ըստ համապատասխան ամիսներու եւ օրերու: Մնացին միայն Ծնունդը եւ Մկրտութիւնը, որոնք ըստ Աւետարանին կատարուած են նոյն օրը՝ երբ Յիսուս 30 տարեկան էր: Ըստ ավանդութեան այդ օրը Յունուար 6-ն էր:

Աւելի ուշ, Ե. դարուն (451 թուին Քաղկեդոնի մէջ գումարուած չորրորդ Տիեզերական ժողովին՝ որուն Հայաստանեայց Եկեղեցին չմասնակցեցաւ) Յունա-Հռոմէական եկեղեցին, Ծննդեան տօնը եւս անջատեց Մկրտութենէն եւ սկսաւ տօնել Դեկտեմբեր 25-ին (մոռցնել տալու համար այդ օրերու արեւի պաշտամունքը Եւրոպայի մէջ) որ տարածում գտաւ ամբողջ աշխարհին մէջ: Սակայն Հայ Եկեղեցին հաւատարիմ մնաց հնագոյն ավանդութեան եւ մինչեւ այսօր Քրիստոսի ծննդեան եւ մկրտութեան յիշատակը միացեալ կը տօնէ Յունուար 6-ին՝ Աստուածայայտնութիւն անուանումով:

Յոժման մարգարէին յիշատակութեան օր

Յոժման մարգարէն Աստուածաշունչի 12 փոքր մարգարէներէն է: Հին Կտակարանի մէջ տեղ գտած «Յոժմանի մարգարէութիւն»-4 գլուխներէ բաղկացած գիրքին մէջ, գրուած է թէ ինչպէ՛ս Աստուծոյ պատգամով Յոժման մարգարէն կը մեկնի Նինուէ՝ քարոզելու քաղաքի հեթանոս բնակիչներուն: Սակայն ան անմիջապէս չի հետեւիր Տիրոջ պատգամին: Խուսափելով կատարել Աստուծոյ պատուիրանը Յոժմանը կը փորձէ փախչիլ Թարսիս կոչուած քաղաքը: Սակայն փախուստի ճանապարհին ծովը կը փոթորկի, եւ նաւուն վրայ գտնուողները վիճակ ձգելով, վիճակը Յոժմանի կ'ելլէ: Յոժման կը բացատրէ թէ ինք Եբրայեցի է, եւ կը փախչի Աստուծոյ ներկայութենէն: Եւ Յոժմանի փափաքին վրայ, զինք ծովը կը նետեն, եւ ծովը կը հանդարտի: Աստուած կետ ձուկի մը կը հրահանգէ, որ Յոժմանը կլլէ:

Մարսափահար Յոժմանն աղօթքով ու զղջումով կ'աղերսէ Տիրոջը փրկութեան համար եւ երեք օր ետք Աստուծոյ կամքով կ'ազատի բանտարկութենէն երբ ձուկը ցամաքին վրայ զինք դուրս կու տայ: Այս անգամ անսալով Աստուծոյ պատուիրանին՝ Յոժման կը մեկնի Նինուէ: Սկսելով իր քարոզը՝ ան կը մարգարէանայ քաղաքի կործանման մասին: Ունկնդիր ըլլալով Յոժմանի մարգարէութեան, սպասուածին հակառակ, Նինուէի բնակիչները՝ մեծէն մինչեւ փոքր, նոյնիսկ թագաւորը պահք կը պահեն եւ ապաշխարութեամբ ու աղօթքով կը փրկեն իրենց հայրենի քաղաքը վերահաս կործանումէն: Յոժման մարգարէի այս օրինակը հետագային Յիսուս ներկայացուց աստուածային նշան հայցող փարիսեցիներուն:

Հայ Առաքելական Եկեղեցին Յոժման մարգարէի յիշատակութեան օրը մշտապէս կը նշէ Առաջաւորաց պահքի աւարտին, որպէս խորհուրդ այն բանին, որ ճշմարիտ ապաշխարութեամբ կարելի է արժանանալ Աստուծոյ հաճութեանն ու ողորմածութեան:

Յիշատակութիւն՝ Սուրբ Սարգիս Զօրավարի Յունուար 26



Վարդանանցէն 12 օրեր առաջ եղող Շաբաթ օրը, Հայ եկեղեցին նուիրած է Ս. Սարգիս Զօրավարի յիշատակին: Ս. Սարգիս, Կապադոկիոյ Գամիրք գաւառէն էր. քաջ ու առաքինի զինուորական մը, որ զօրապետի աստիճանին հասաւ: Համարձակութեամբ կը քարոզէր Աւետարանը եւ կը կործանէր բազինները: Երբ Յուլիանոս կայսրը,

ես կը յիշատակուի Սուրբ Սարգիսի եւ անոր Մարտիրոս գաւակին յիշատակին հետ, ամէն տարի:

Գիտէի՞ր թէ

Ս. Սարգիսի տօնը Հայաստանի մէջ ընդունուած է նշել ոչ միայն եկեղեցական ծիսակատարութեամբ, այլեւ ժողովրդական սովորութիւններով:

Ս. Սարգիս Զօրավարը երիտասարդներու արագահաս բարեխօսն է եւ սիրոյ երազանքը իրականացնող սուրբը: Ըստ աւանդութեան, Ս. Սարգիս պէտք է հրեշտակներու ուղեկցութեամբ անցնի եւ տանիքին վրայ դրուած ալիւրին մէջ ձգէ իր սպիտակ ձիուն պայտին հետքը որպէսզի այդ տարի իրականանայ հաւատացեալի երազանքը:

որ քրիստոնէութիւնը ուրացած էր, գահ բարձրացաւ, Սարգիս, իր Մարտիրոս որդիին հետ Հայաստան ապաստանեցաւ՝ Տիրան թագաւորի մօտ եւ ժամանակ մը հոն փախէ ետք անցաւ Պարսկաստան, պարսից Շապուհ թագաւորին մօտ՝ ծառայելով զինուորական ասպարէզին մէջ:

Մեծ եղաւ իր որդիին՝ Մարտիրոսին ազդեցութիւնը իր հսկողութեան ներքեւ գտնուող պարսիկ զօրքին վրայ. անոնց մէջէն քրիստոնէութեան դարձողներ եղան:

Այս պարագան հետզհետէ ուշագրաւ դառնալով, Սարգիս եւ իր գաւակը արքայական հրաւեր ստացան զոհ մատուցանելու արքունի մեհեանին մէջ: Սակայն, Սարգիս նոյնիսկ քաջութիւնը ունեցաւ անարգելու կուռքերը: Առ ի հետեւանք իրենց յանդուգն կեցուածքին՝ զօրավարն ու իր որդին մահուան դատապարտուեցան:

Իր պարսիկ զինուորներէն տասնըչորս (14) անձեր որոնք մինչեւ վերջ հաւատարիմ փառացեր էին իրեն, առին Սարգիսի մարմինը եւ մաքուր զգեստներով պատեցին:

Բայց թագաւորին հրամանով իրենք եւս զլիսատուեցան ու իրենց նահատակութիւնը


Աղօթք Սուրբ Սարգիսին

Բարձրեալէն գերագոյն պատիւ ստացար Քրիստոսի քով բարեխօսելու համար եւ դարձար մեր խնդրանքները կատարող, աղօթքները լսող, սատանաները հալածող, ով արագահաս Սուրբդ Սարգիս:

Ցաւերով լեցուն մարդկային կեանքին զօրեղ բժիշկ. արտասուքը սրբող, նեղութեան մէջ ինկածներու վիշտերը դիւրութեամբ մեղմացնող, գերիները ազատող, ով արագահաս Սուրբդ Սարգիս:

Դուն որ ամէն տեղ կը յիշուիս ու կը փառաբանուիս, որովհետեւ գեղեցիկ եւ բարի անուն ես, հաւատացեալներուն շուրթերուն համար քաղցրահամ պտուղ: Գիշեր ու ցերեկ յոյսով քեզ կը կանչենք, արագահաս Սուրբդ Սարգիս, բարեխօս եղիք, Քրիստոսի քով, մեր անձերուն համար:

Խորհուրդ մեծ



Մկրտութիւն
Յովսափան Յովսափանեան

Ո՞վ չի գիտեր Սուրբ Ծնունդի մասին գրուած ամենաճանօթ այս շարականը որ կը հնչէ ամէն տարի խթման գիշերը աւետելու համար Յիսուսի ծնունդը: Այս շարականին հեղինակն է Մովսէս Քերթոզ Հայրապետ եւ զայն գրած է 441 թուականին: Ահա այդ շարականին գրաբար բառերը եւ աշխարհաբար թարգմանութիւնը.

Խորհուրդ մեծ եւ սքանչելի
որ յայսմ աւուր յայտնեցաւ.
Հովիւք երգեն ընդ հրեշտակս,
տան աւետիս աշխարհի:

Ծնաւ նոր արքայ
ի Բեթղեհէմ քաղաքի.
Որդիք մարդկան օրհնեցէ ք,
զի վասն մեր մարմնացաւ:

Անբաւելին երկնի եւ երկրի
ի խանձարուրս պատեցաւ.
Ոչ մեկնելով ի Հօրէ՛
ի սուրբ այրին բազմեցաւ:

* * *

Սքանչելի եւ մեծ խորհուրդ է,
որ այսօր յայտնուեցաւ.
Հովիւները հրեշտակներու հետ կ'երգեն,
աշխարհին աւետիս կու տան:

Ծնաւ նոր արքայ
Բեթղեհէմ քաղաքին մէջ.
Ով ժողովուրդ, մարդիկ, օրհնութիւն տուէր
որովհետեւ Ան մեզի համար մարմնացաւ:

Երկնքին եւ երկրին վրայ Անբաւելին
խանձարուրներու մէջ փաթթուեցաւ.
Առանց բաժնուած ըլլալու Հօրմէն
սուրբ մտորին մէջ բազմեցաւ:

ՃՐԱԳԱԼՈՅՑ Ս. ԾՆՆԴԵԱՆ

Ձանճառելի լուսոյ մայր
Եւ ըզբնակարան անըսկզբնակից Որդւոյն,
Օրհնութեամբ մեծացուցանեմք:

Ձանհաս տնօրէնութեան մայր
Եւ զանձնաւոր տաճար Աստուծոյ Բանին,
Օրհնութեամբ մեծացուցանեմք:

Զբոլորից փրկութեան մայր,
Որ զանտանելին յէից ի յարգանդի եբարձ.
Ըզնա ամենեքեան օրհնութեամբ
մեծացուցանեմք:



Ժողովող բարեան,
Ժողովեա եւ զիս,
Ժողովս անդրանկաց:



Ի քեն Տէր հայցեմ,
Ի մարդասիրէդ,
Ինձ բժշկուրթիւն:

Յիսուսի ծնունդը

Ինչպէս բոլորս գիտենք, երբ Մարիամ եւ Յովսէփ Բեթլեհէմ հասան, պանդոկին մէջ տեղ չգտան, ուստի Յիսուս մանուկը, ծնաւ քարայրի մը մէջ: Մարիամ զԻնք խանձարուրով փաթթեց եւ դրաւ մսուրի մը մէջ: Հոն Իրեն այցելեցին 3 մոզերը եւ հովիւները: Հովիւներուն երեւցած էր Տիրոջ հրեշտակը եւ տեղեկացուցած որ հոն պիտի գտնեն իրենց «Փրկիչը»: Այս հրեշտակին միացան երկնաւոր զօրքերու բազմութիւն մը որոնք կ'օրհնաբանէին զԱստուած ըսելով՝

«Բ _____ ,
 _____ : »

Այս պատմութիւնը կրնաս կարդալ Ղուկաս 2 ին մէջ:

Գրէ բոլոր թիւ 1-երու գիրերը գծիկներուն վրայ կարգով, ապա թիւ 2-ները, թիւ 3-ները եւ մինչեւ թիւ 6-երը եւ գտիր թէ ի՞նչ կ'ըսէին հրեշտակները:



1	2	3	4	1	5	3	6
ա	ջ	ք	ր	ր	դ	խ	ա
2	4	1	5	6	4	3	1
Ա	կ	ձ	ն	ճ	ր	ա	ն
1	2	3	5	4	6	1	4
ւ	ս	ղ	ց	ի	ն	ն	վ
2	6	4	1	3	5	2	1
տ	ւ	ր	ք	ա	մ	ն	ն
3	2	5	1	6	2	4	3
ղ	ւ	ի	է	թ	ծ	ա	ն
4	5	1	2	3	4	5	6
յ	ջ	ր	ն	ւ	է	է	ի
6	1	2	4	3	5	6	1
ւ	ն	յ	ւ	թ	ւ	ն	ւ
2	3	1	4	6	2	3	1
փ	ի	ն	մ		ա	ւ	մ
5	4	6	2	4	3	1	3
հ	ա		ն	ր	ն	է	է

Պահուած քան

շ	ն	ն	ր	հ	ա	ւ	ն	ր	ձ	օ
ս	ն	ւ	ր	բ	ղ	ա	մ	մ	է	յ
ի	ր	ա	տ	ի	տ	ա	մ	է	գ	ի
ծ	ն	ն	ւ	ն	ղ	ա	ն	ծ	ի	ս
յ	ա	ի	ր	կ	ւ	ն	ն	ա	մ	ն
օ	ր	է	գ	ն	մ	ա	հ	ս	ս	ւ
ա	ա	ր	ն	ն	ւ	է	ր	տ	ն	ս
է	ր	գ	է	լ	է	ն	ա	ղ	ւ	ն
է	ր	կ	ի	ն	ք	ի	ն	չ	ր	ւ
յ	ա	յ	տ	ն	է	ց	ա	ւ	ք	մ

արար
արի
աստղ
անել
աչք
աղտ
երկինքին
երգել

մատիտ
մեզի
մտւր
մեծ
մոգեր

շնորհաւոր
յայտնեցաւ
յիսուս
տւրք
ուսում

նոր
նուէր

օձ
կրիայ

մանուկ
մահ

Ծնունդ
ծնաւ

ձեզի
տարի

Ինչպե՞ս ընտրել

Մատթեոս 5:16

Յաճախ դժուարութիւն ունինք որոշելու թէ ի՞նչ պիտի ընենք:

Ամբողջացո՛ւր այս խաղը եւ յիշէ գտած նախադասութիւնդ երբ գտնուիս դժուար որոշումի մը առջեւ:

Գծիկներուն վրայ գրէ երկու գիրերուն մեջտեղի գիրը:

Ա Բ Գ Դ Ե Զ Է Ը Թ Ժ Ի Լ Խ Ծ Կ Հ Ձ Ղ Ճ Ս Յ Ն Շ Ո Չ Պ Ջ Ռ Ս Վ Տ Ր Ց Ի Փ Ք

ՀՂ ԴԶ ՏՑ ԻԽ ՇՉ ՄՆ ՌՎ ԷԹ ԸԺ ՇՉ ՁՃ -Բ ՄՆ ՅՇ ՉԶ ԶԸ ՌՎ

ՆՈ ՇՉ ՁՃ -Բ ՄՆ ՃՅ -Բ ՏՑ ԳԵ ՇԶ ՐԻ -Բ ՋՍ ՊՌ ԴԶ ՑՓ ,

ՇՉ ՏՑ -Բ ՅՇ ՇԶ ՅՇ ՓՕ ՀՂ ԴԶ ՏՑ ԱԳ -Բ ՏՑ ԺԼ

ԲԴ ՇՉ ՏՑ ԽԿ ԴԶ ՏՑ ԷԹ ՎՐ ԴԶ ՌՎ ՅՇ ԴԶ ՅՇ ԴԶ ՑՓ

ԻՔ -Բ ՋՍ -Բ ՑՓ ՇՉ ՏՑ ԴԶ ՅՇ ՀՂ ԴԶ ՏՑ ԿԶ -Բ ՄՆ ՏՑ ԷԹ ,

ՇՉ ՏՑ ԴԶ ՏՑ ԾՀ ԺԼ ՅՇ ՓՕ ԺԼ ՃՅ ԶԸ ՊՌ ԶԸ



Առաջաւորաց Պահք Այս տարի Յունուար 21-ին կը սկսի Առաջաւորաց պահքը (յատուկ է միայն Հայ Առաքելական Եկեղեցոյ): Այս պահքը կը տեւէ հինգ օր՝ (Երկուշաբթին Ուրբաթ) այս տարի մինչև Յունուար 25-ը ներառեալ:

Ինչպէս մեզի հասած աւանդութիւնը կ'ըսէ, Խոր Վիրապէն ելլելէն ետք Սուրբ Գրիգոր Լուսաւորիչը, Տիրոջ հրաշքով դարձի եկած Տրդատ արքային, հայոց մեծամեծներուն ու ողջ ժողովուրդին, նախքան մկրտելը, 65 օր շարունակ Քրիստոսի ու Անոր հաւատքը քարոզեց եւ այդ օրերէն 5-ի ընթացքին պատուիրեց պահքով ապաշխարել: Այդ հինգ օրերուն ժողովուրդն իր արքայով հանդերձ ոչ միայն ինքզինք զրկեց կերակուրներէ, այլ ինչպէս Աստուծոյ կողմէ ընդունելի պահքը կը պահանջէ, մեծապէս զոջաց իր նախկին հեթանոսական, անբարոյ կեանքին և ամէն տեսակի մեղքերուն համար, մանաւանդ հայոց արքան ու մեծամեծները, որոնք Քրիստոսի հաւատքի պատճառով Սուրբ Գրիգորը բազմաթիւ տանջանքներու ենթարկելէ ետք օձերով լեցուն եւ խաւար խոր փոսը՝ վիրապին մէջ ձգեր էին, իսկ Հռիփսիմեան կոյսերը չարչարելով սպաններ էին:

Այսպէս հաստատուեցաւ Առաջաւորաց պահքը կամ Առաջաւորքը՝ Հայ Առաքելական Եկեղեցոյ առաջին պահքը (ինչպէս յայտնի է անունէն): Պահքի առաջին 4 օրերուն ճաշու աւետարան չի կարդացուիր իսկ 5-րդ օրը կը կարդացուի Յովսէփ Մարգարէի գիրքը:

Եզակի գիրեր
Հայերէն գիրերով Sudoku

ը	թ	ա	գ	դ	ե	է	զ	ր
ե	դ	բ	գ	է	ը	ա	թ	զ
զ	է	զ	բ	ա	թ	ը	ե	դ
ա	զ	ե	ը	զ	դ	թ	բ	է
դ	բ	զ	թ	զ	է	ե	ը	ա
է	ը	թ	ե	բ	ա	դ	զ	զ
թ	զ	է	դ	ը	զ	բ	ա	ե
բ	ա	ը	է	ե	զ	զ	դ	թ
զ	ե	դ	ա	թ	բ	զ	է	ը

	ե			ը		ա	զ	է
	բ			զ	ա			
	թ		է					
		ա						ը
	է	զ				զ	դ	
թ						է		
					է		ը	
				ա	դ		բ	
դ	զ	է		թ			ա	

Նախորդ «Եզակի գիրեր»ուն լուծումը

Ամբողջացուր քառակուսիները, գործածելով ա, բ, գ, դ, ե, զ, է, ը, թ գիրերը պայմանաւոր միայն մէկ անգամ գործածես իւրաքանչիւր գիր, իւրաքանչիւր

- . հորիզոնական գիծի վրայ
- . ուղղահայեաց գիծի վրայ եւ
- . իննեակ քառակուսիի մէջ:

Ո՞րն է ճիշդ պատասխանը
Մանկապարտեզի անկիւն



Ամբողջացո՛ւր ըստ Մատթէոսի Աւետարանին 2. 9-12

հրահանգը, աստղը, առաջնորդեց, երկրպագեցին, ոսկի, կնդրուկ, գմուռս, երագի

Թագաւորին այս ----- լսելէ ետք, մոզերը մեկնեցան:
Անոնք չափազանց ուրախացան, երբ կրկին տեսան այն -----,
որ արեւելքի մէջ տեսեր էին. եւ ահա աստղը ----- զիրենք
մինչեւ որ եկաւ ու կեցաւ այն վայրին վրայ ուր երեխան կը
գտնուէր: Երբ տուն մտան, տեսան երեխան իր մօրը՝ Մարիամին
հետ, եւ մինչեւ գետին խոնարհելով ----- մանուկին:
Ապա բացին իրենց արկղերը եւ Յիսուսի ընծայեցին իրենց
նուէրները -----, ----- եւ -----:

Յետոյ ուրիշ ճամբով գացին իրենց երկիրը, առանց Հերովդէսի
հանդիպելու, ինչպէս որ Աստուած ----- մը մէջ հրահանգեց
իրենց:

Ո՞րն է ճիշդ պատասխանը

Նախակրթարան Ա., Բ. եւ Գ. դասարաններու անկիւն

1.- Որո՞ւ տօնը այս տարի կը տօնենք
Յունուար 25-ին:

- ա. Ս. Յովհաննէս Ոսկեբերան
Հայրապետին
- բ. Ս. Աբգար թագաւորին
- գ. Ս. Վահան Գողթնացիին
- դ. Յովսէան մարգարէին

2.- Այս տարի ե՞րբ կը տօնենք
Յովհաննէս Մկրտիչին տօնը:

- ա. Յունուար 6-ին
- բ. Յունուար 14-ին
- գ. Յունուար 21-ին
- դ. Յունուար 27-ին

3.- Այս տարի ե՞րբ կը տօնենք
Յիսուսի ծննդեան տօնը:

- ա. Յունուար 6-ին
- բ. Յունուար 18-ին
- գ. Յունուար 20-ին
- դ. Յունուար 27-ին

4.- 2013-ին ե՞րբ տեղի պիտի ունենայ
Ջրօրհնէքը:

- ա. Յունուար 6-ի Ս. Պատարագէն
եսք:
- բ. Յունուար 5-ի երեկոյեան
- գ. Չատիկին
- դ. Բարեկենդանին

5.- 1999-ին ե՞րբ տօնեցինք Յիսուսի
մկրտութեան տօնը:

- ա. Յունուար 6-ին
- բ. Յունուար 18-ին
- գ. Դեկտեմբեր 25-ին
- դ. Յունուար 27-ին

6.- Այս տարի ե՞րբ կը տօնենք
Յիսուսի Աստուածայայտնութիւնը:

- ա. Յունուար 6-ին
- բ. Դեկտեմբեր 18-ին
- գ. Յունուար 25-ին
- դ. Յունուար 27-ին

7.- Յիսուս ինչո՞վ մկրտուեցաւ:

- ա. Ձէթով
- բ. Ջուրով
- գ. Միւռնով
- դ. Իւղով

8.- Յիսուս որո՞ւ կողմէ մկրտուեցաւ:

- ա. Տէր Գառնիկին
- բ. Սրբազանին
- գ. Յովհաննէս Մկրտիչին
- դ. Քահանայապետին

9.- Ի՞նչ կը կոչենք Ս. Ծնունդին
նախորդող երեկոն:

- ա. Խթում
- բ. Չատիկ
- գ. Ջրօրհնէք
- դ. Բարեկենդան

10.- Ե՞րբ տեղի կ'ունենայ
Ճրագալոյցը:

- ա. Յունուար 6-ի Ս. Պատարագէն
եսք:
- բ. Յունուար 5-ի երեկոյեան
- գ. Չատիկին
- դ. Բարեկենդանին

Ո՞րն է ճիշդ պատասխանը

Նախակրթարան Դ., Ե. եւ Զ. դասարաններու անկիւն

1.- Յիսուսի անուանակոչութիւնը անշարժ տօն մըն է: Ամէն տարի ե՞րբ կը տօնենք Յիսուսի անուանակոչութիւնը:

Յունուար --- ին:

2.- Մոզերը ի՞նչ նուիրեցին Յիսուս Մանուկին:

- ա. ---ի
- բ. -----կ
- գ. գ-----

3.- Ո՞վ էր Հրէաստանի թագաւորը երբ Յիսուս ծնաւ:

-----ս

4.- ա. Ո՞վ էր Հռոմի կայսրը երբ Յիսուս ծնաւ:
բ. Տարուան քանիերորդ ամիսը այս կայսրին անունով է:

- ա. -----
- բ. --

5.- Հինգ Տաղաւարներէն ո՞ր մէկը անշարժ տօն մըն է:

- ա. Ս. Ծնունդ
- բ. Ս. Զատիկ
- գ. Պայծառակերպութիւն
- դ. Վերափոխումս Ս. Աստուածածնի
- ե. Խաչվերաց

6.- Յիսուսի մկրտութեան ընթացքին, Ս. Հոգին ինչի՞ կերպարանքով իջաւ Յիսուսի վրայ:

-----ի

7.- Ամբողջացո՞ւր ըստ Մարկոսի Աւետարանի 1.11-ին:

Երկինքէն ձայն մը լսուեցաւ, որ կ'ըսէր.

- Դուն ես -- ս----- Ո-----, որուն -----:

8.- Ս. Ծնունդի խթման մատուցուող Ս. Պատարագի ընթացքին երբ «Սուրբ Աստուած, Սուրբ եւ հօր, Սուրբ եւ անմահ ողորմեա մեզ» կ'երգենք, ի՞նչ կ'ըսենք երկրորդ տողին:

- ա. որ խաչեցար վասն մեր
- բ. որ յայտնեցար վասն մեր
- գ. որ եկիր եւ գալոց ես
- դ. որ յարեար ի մեռելոց

9.- Ի՞նչ է այս տարի Յունուար 26-ին յիշատակուող Սուրբին գաւկին անունը:

- ա. Յովհաննէս
- բ. Կարապետ
- գ. Սարգիս
- դ. Մարտիրոս

10.- Յիսուսի ծննդեան հովիւներու այցին մասին միայն մէկ աւետարանի մէջ կը կարդանք: Ո՞ր աւետարանին մէջ:

- ա. Մատթէոս
- բ. Մարկոս
- գ. Ղուկաս
- դ. Յովհաննէս

Ո՞րն է ճիշդ պատասխանը Երկրորդականի անկիւն

1.- Անոնք որոնք Ս. Ծնունդը կը տօնեն

Դեկտեմբեր 25-ին, ե՞րբ կը տօնեն

մկրտութիւնը:

ա. Յունուար 6-ին

բ. Յունուար 1-ին

գ. Յունուար 13-ին

դ. Դեկտեմբեր 25-ին

2.- Արեւմտեան Եւրոպայի քրիստոնէաները

ե՞րբ փոխեցին Ս. Ծննդեան տօնը Յունուար

6-էն Դեկտեմբեր 25-ին:

ա. 325 Նիկիոյ ժողովին

բ. 451 Քաղկեդոնի ժողովին

գ. 381 Կոստանդնուպոլսոյ ժողովին

դ. 431 Եփեսոսի ժողովին

3.- Հայաստանեայց Եկեղեցին այս տարի

ո՞ր սուրբին տօնը կը յիշատակէ Յունուար

26-ին:

Ս. -----

4.- Գրէ՛ շիտակ ժամանակագրական

շարքով հետեւեալ տօները.

Աստուածայայտնութիւն,

Անուանակոչութիւն, Յովհաննու

Կարապետ, Ս. Սարգիս, Ղեւոնդեանց,

Վարդանանց, Բուն Բարեկենդան:

ա.

բ.

գ.

դ.

ե.

զ.

է.

5.- Գրէ՛ շիտակ ժամանակագրական

շարքով հինգ տաղաւարները:

ա.

բ.

գ.

դ.

է.

6.- Ամբողջացո՛ւր:

Խորհուրդ — եւ սքանչելի

որ յայսմ ատուր -----.

----- երգեն ընդ հրեշտակս

տան ----- աշխարհի

7.- Ամբողջացո՛ւր:

----- նոր արքայ

Ի ----- քաղաքի.

Որդիք մարդկան -----

զի վասն մեր -----:

----- երկնի եւ երկրի

ի ----- պատեցաւ.

Ոչ ----- ի Հօրէ

ի սուրբ ----- բազմեցաւ:

8.- Ս. Սարգիս ո՞ր շրջանի Գամիրք

գաւառէն էր:

Կ-----

9.- Տարուան ո՞ր 4 օրերը ճաշու աւետարան

չի կարդացուիր:

10.- Հայկական ՌՆԿԲ տարին ո՞ր

տարուան կը համապատասխանէ:

1---



(շար. էջ 1-էն), ու երգեցին Կիրակնօրեայի քայլերգը:

Ապա խօսք առաւ Տնօրէնը՝ Թորոս Պապիկեան որ անդրադարձաւ Մանուկ Յիսուսի բացակայութեան Դեկտեմբեր ամսուան մէջ ուր Christmas-ի տիրական ներկայութիւնը Կաղանդ Պապան էր: Ան հաստատեց թէ Կիրակնօրեան, կը ձգտի իր աշակերտներուն մէջ Հայ Քրիստոնէայ նկարագիր կերտել, հիմնուած Քրիստոսի վրայ, եւ առ այդ Կիրակնօրեայ Դպրոցի աշակերտը

քաջատեղեակ պահելու համար Քրիստոսի Ծնունդին, ամէն տարի կը պատրաստէ Սուրբ Ծննդեան կենդանի պատկերը, ուր երկրորդականի աշակերտները կը կարդան Մատթէոսի



եւ Ղուկասի աւետարաններէն հատուածներ եւ մանկապարտէզի ու նախակրթարանի աշակերտները կը ներկայացնեն հովիւներ, մոզեր, հրեշտակներ, Մարիամ, Յովսէփ, Օրէնքի ուսուցիչներ ու Հերովդէս թագաւորը: Ապա անդրադառնալով Սուրբ Ծննդեան խորհուրդին, ներկայացուց այն 3 տարբեր ձեւերով որ մարդիկ ընդունեցին Յիսուս Մանուկի ծնունդը. մոզերը՝ որոնք հակառակ անոր որ անձնական հրաւեր չէին ստացած եւ Մեսիան չէին սպասեր, երկար ճամբայ կտրեցին տեսնելու Յիսուս մանուկը,

հովիւները՝ որոնք Փրկիչի ծնունդին աւետիսը հրեշտակին կողմէ ստացան, եւ Հերովդէս թագաւորը՝ որ օրէնքի ուսուցիչներուն եւ աւագ քահանաներու միջոցաւ հաստատելէ ետք Քրիստոսի ծնունդը, որոշեց սպաննել մանուկը: Ան աւելցուց թէ կ'ապրինք փոթորկոտ աշխարհի մը մէջ, ուր պատերազմի եւ սպաննութիւններու լուրերն են որ կը գրաւեն հեռատեսիլի եւ համացանցի էջերը: Ան աւելցուց թէ հակառակ այս իրականութեան, մենք պէտք է շարունակենք ըսել «Բարձունքներուն մէջ Աստուծոյ փառք, խաղաղութիւն եւ երկրի վրայ եւ մարդոց միջեւ հաճութիւն», որովհետեւ երբ մենք միշտ փառք տանք Աստուծոյ կ'ունենանք ներքին խաղաղութիւն եւ հաճոյքով կը վերաբերինք մեր շուրջիններուն հետ եւ այսպիսով մեր ներքին խաղաղութիւնը կ'արտացոլայ մեր ընտանիքին, մեր բարեկամներուն եւ մեր շրջանակին մէջ:

Ապա սկսաւ կենդանի պատկերը: Ընթերցողներ Երկր. Բ. դասարանի աշակերտներ Արշակ Խշիշեան, Ռիթա Խշիշեան, Սեւակ Պապիկեան, Բասգալ Տէմիրճեան, եւ Սհեր Պանքեան փոխն ի փոխ կարդացին Աւետարաններէն մինչ փասցեալ աշակերտները



Կենդանի պատկեր մը ներկայացուցին ըստ կարդացուածին. (աշակերտներուն բեմ ելեւմուտքին, ինչպէս նաեւ լոյսի եւ վարագոյրի պատասխանատուն էր աւարտական Երկր. Ե. կարգի աշակերտ Առէն Պապիկեան): Բեմը կը ներկայացնէր վրան մը, որ գործածուեցաւ թէ՛ որպէս Յովսէփի եւ Մարիամի Նազարէթի տունը եւ թէ՛ այն քարայրը ուր Յիսուս ծնաւ: Ճոխ էր տարագներու հաւաքածոն (բեմի զարդարանք եւ տարագներու պատասխանատու Տիկ. Շողիկ Նաճարեան): Իւրաքանչիւր աշակերտ առիթը ունեցաւ բեմ ներկայանալու,



եւ կարդացուածին բոլոր մանրամասնութիւնները ներկայացուեցան: Հետաքրքրական էր փոքրիկ հովիւներուն ներկայութիւնը իրենց ոչխարներով:

Կենդանի պատկերի աւարտին ժամանեց Կաղանդ Պապուկը որուն ներկայութեան Բողբոջ-Կոկոն դասարանի աշակերտները երգեցին «Բարի Լուր»ը, որուն յաջորդեց աղօթք մը Մանկապարտէզի եւ Նախ Ա. Բ. եւ Գ. աշակերտներուն կողմէ (ուսուցչուհի Թամար Գիգիբեան): Աւարտած ըլլալով իրենց բաժինը, Բողբոջ-Կոկոնի աշակերտները ստացան իրենց նուէրները Կաղանդ Պապուկէն:



Ապա Դպրոցի երգչախումբը, խմբավարութեամբ Վաչէ-Սագո Պոյաճեանի երգեց «Այսօր Տօն է Սուրբ Ծննդեան», «Ձանձառելի Լուսոյ Մայր» եւ «Խորհուրդ Մեծ եւ Սքանչելի» շարականները, որոնց վերջինին դաշնակի վրայ ընկերակցեցաւ Երկր. Բ. դասարանի աշակերտ Բասգալ Տէմիրճեանը: Տնօրէնը շնորհակալութիւն յայտնեց ՀՕՄ-ի Մոնթրէալի Սօսէ մասնաճիւղին որ հոգացած էր տրուած նուէրներուն առիւծի բաժինը: Յայտագրի աւարտին

ներկաները հիւրասիրուեցան կարկանդակով (պատրաստուած ծնողք Տօքթ. Թալին Քէօսէեանի եւ Տիկ. Անի Պապիկեանի կողմէ), եւ պտուղի հիւթով: Հաւաքոյթը աւարտեցաւ ներկաներու նոր տարուայ բարեմադրութիւններու փոխանակումով: